

善本方志輯·第一編

中國地方志集成

康熙鄆州志  
康熙三水縣志  
康熙延長縣志

# 中國地方志集成

善本方志輯·第一編 ②4

康熙鄜州志

康熙三水縣志

康熙延長縣志

乾隆漢陰縣志

順治安塞縣志

圖書在版編目（C I P）數據

中國地方志集成·善本方志輯·第一編 / 鳳凰出版社  
編. — 南京：鳳凰出版社，2014.5  
ISBN 978-7-5506-1218-1

I. ①中… II. ①鳳… III. ①中國—地方志 IV.  
①K29

中國版本圖書館CIP數據核字(2014)第101386號

中國地方志集成·善本方志輯·第一編

---

著 作 者	本 社 編 選
責 任 編 輯	王 愛 榮 吳 瓊
封 面 設 計	范 一 辛 姜 嵩

---


出 版 發 行	鳳凰出版傳媒股份有限公司 鳳凰出版社(原江蘇古籍出版社) 發行部電話025-83223462
出版社地址	南京市中央路165號,郵編:210009
出版社網址	<a href="http://www.fhcbs.com">http://www.fhcbs.com</a>
經 銷	鳳凰出版傳媒股份有限公司

---


印 刷	金壇市古籍印刷廠有限公司 江蘇省金壇市晨風路186號,郵編:213200
開 本	787×1092毫米 1/16
印 張	3420.5
版 次	2014年5月第1版 2014年5月第1次印刷
標 準 書 號	ISBN 978-7-5506-1218-1
定 價	44500.00圓(全七十八冊)

---

(本書凡印裝錯誤可向承印廠調換,電話:0519-82338389)



康熙鄜州志



(清)

顧耿臣  
纂修  
任于嶠

《康熙鄞州志》八卷，據清康熙五年  
(一六六六)刻本影印。

# 目錄

康熙鄜州志·····	〇〇一
康熙三水縣志·····	一二九
康熙延長縣志·····	二四九
乾隆漢陰縣志·····	四九一
順治安塞縣志·····	五九三

鄜州志序

上古以九州之志爲九丘丘者聚也謂聚一方之山川風土奇行美蹟於其內以謹封守以察時變以昭勸戒也志固從來尙矣鄜志久湮缺典殊甚嘉禾顧守方

內擢計部討故實而編輯之郡任子于嶠實共事焉帙成以告余曰善哉其舉也非達

於政治之源者不及此矣余

備員河西職膺駐鄜欲觀鄜

之風土民俗而無所證也以

諏耆舊不無遺聽焉欲觀政

治之得失地方之利病而無

所稽也以詢道路不無遁情

焉欲觀山川之形勝疆域之

廣袤名碩潛德善言懿行而

無所裁也以陟高山入林麓

谷野老不無遺歷焉文獻未



足徵正無從志固不亟重歟  
今觀此書秩然其有倫也錯  
然其有章也燦然傳信不以  
飾美而夸勝也天所以覆物  
物之父也地所以載物物之  
母也首列輿圖先之以天文  
繼之以地理重其所生也詳  
之以建置安其處也括之以  
田賦順其利也廬之以秩官  
考其政也叅之以人物表其

德也廣之以祠宇通之以災  
祥綜之以藝文詳其事也此  
豈獨爲一鄙之書哉夫列之  
以天文地理以備修省以察  
險易而敷施有道矣詳之以  
建置以爲城郭以爲居室而  
民義以立矣括之以田賦以  
重食貨以安耕鑿而民生以  
遂矣廬之以秩官以景高山  
以標周行而利弊以分矣叅



之以人物見善而遷入間而  
式而教化以行矣廣之以祠  
宇通之以災祥綜之以藝文  
以正道術以省疾苦以資察  
識而酌古徵今無不盡其變

五

五

矣此豈獨爲一鄜之書哉以  
之治鄜而鄜治以之治諸郡  
邑而無不可以治也以之治  
鄜而鄜治以之治天下九州  
而無不可以治也何也法合

政治之體也風化政治之源  
也文獻風化之本也未有勸  
戒昭而風化不樹者未有風  
化樹而政治不行者管夫子  
聽武城之絃歌而愛人易使

六

六

之說翕然學道益喜其達于  
政治之源也是後也借紀述  
以爲絃歌山高水長化行俗  
美異日者採風問紀輶軒載  
觀則此書亦可以贊我

國家治教休明之運于萬斯年  
共賡悠久余故曰不獨爲一  
鄜之書也

康熙五年歲次丙午陽月上

浣日

序  
七  
賜進士出身分巡河西道陝西

按察司副使鮑開茂撰



鄜州志序

余嘗流覽禹貢涉獵圖經及咏歌  
十五國之篇什而知天下山川不  
一致疆域不同軌則壤有異宜賦  
役有殊等在體國經野問俗采風  
者誠未可踈畧以貽窺管之譏也  
是故代必有史方必有志所以示  
推移表建置存文獻備攷求近識  
變遷興廢之微遠垂肇造規恢之  
畧且以振殘敝設險分猷弘制

度而覈司存立典章而籌食貨是  
州邑紀載之微文實資邦國纂修  
之大要故孔子刪詩不遺列國鄩  
侯入關止收畝籍良以習尙未宜  
偏廢世蹟未可湮泯也然則方州  
序  
之志所關不綦鉅且重歟粵稽鄘  
轄延郡上應東井古屬西雍自春  
秋而後拓歸內版歷秦而漢而唐  
而宋莫不稱河朔重藩地實阨阨  
五路控領三秦猶號衝劇其間烟

塵亭毒城社紛更雖盛衰隆替今  
昔無常而人文典秩掌故多傳豈  
可以數十年兵戈雲漢之餘梨棗  
飄零監門難繪遂使一方民物土  
風共山榛塞草終於蕪沒也耶余  
序  
於乙巳秋奉  
三

命守延及入境睹闕闕之荒涼傷蒼  
黔之寥寂計供納之艱難在今日  
車書寰宇中俱不僅見不勝駭然  
悲復愴然念即欲謀教養於生聚

拯深熱於綏和而四顧蕭條百廢  
叢墮初無措手爰思搜求舊乘詳  
定新編庶幾藉以因時制宜興利  
除弊於諮詢民瘼昭宣政治之道  
不無小補而一載以來方棘心於

序

四

逝荒招墾之煩鞅掌於匱絀征輸  
之令焦勞旁午寢處未遑故採輯  
雖具其條目尙覩縷未備乎成模  
邇州守顧君已先獲我心鄜志刻  
期報竣矣夫顧君以博雅之才借

盤錯之任不立威嚴而吏民自惕  
不聞拮据而庶務畢興非其所蓄  
者宏而所施者裕耶治鄜幾閱七  
載旣已教化洽臻亦自情形稔悉  
故州志一書澆貫瞻核莫不綱舉

序

五

目張若沿革詳而知古今之變田  
賦備而驗井里之登志物產則不  
遺乎地利志郵傳則軫恤於疲殘  
官師宦秩傳而表儀丕著矣遺事  
藝文具而編簡聿光矣訛無不正

闕靡不補質不失野文不近華志也而實史矣前此之淪胥山水板蕩禽花咸登琬琰後此之扶衰補缺升墜承流漸藉舉修所謂于鱗之於濟南馭吉之於慶陽抑何足

序

六

尚乎書甫成而顧君且以版曹即膺

內召矣則是志吉光片羽又非異日訐謨遠畧之徵耶余政學不敏無能傍贊一辭謹弁數言以識岩

疆司牧之苦心以勉示於來茲云爾

康熙歲次丙午葭月之朔

中憲大夫知延安府事三韓王廷弼謹

序

七



鄜州志序

志如乘所以云載也亦如鑑所以云勸懲也乃其體昉于八表十書之史而作者不一其人工拙殊焉知罪判焉徃徃述古則易攷今爲

序

難非所見之難于所聞所聞之難于所傳聞也以

聖師尼父之春秋定哀之間多微辭是故旁引曲喻則不直激切則亮則傷厚且以志之比于藥石也

疾病必攻療治各異志無適于用無益于治裨矣吾不欲觀之矣然則沿舊難于博摭作新難於諧時天下之志皆爾况一郡之細欲兼三長乎予李翟秦徃來鄜時諮諏

序

州人惟是地方利害戶口盈縮風俗隆污政事因革人文衰盛與鄜守共勉于夙夜至於古蹟不皇遊覽山川不皇吟咏顧大夫以鄜志見諗且求爲序周覽卒業益不勝

星土地形之感焉延之爲州者三  
綏德在北葭州在東實爲重地金  
明之屏障也鄜則腹矣亦三輔之  
屏障也刺史專城其任不輕又以  
憲使駐節于其中州之屬邑三山  
川繡錯道塗絡繹望橋陵挹壺口  
唐有子美之跡宋存經略之事凡  
詞人之品藻名臣之澌略鄜州雖  
一區可以觀矣顧大夫以東南名  
家政舉循最于其暇日作爲此書

其有裨于鄜者多矣予不爲序序  
之曰昔者

師尼父之爲春秋也弟子求七十  
二國寶書尙書最古子不師其體  
也一本魯史編年爲之鄜志亦寶

書也顧大夫之作將爲聖門之所  
采擇後之讀者其以予言爲然乎  
康熙五年歲次丙午仲冬吉且  
賜進士出身延安府推官劉翊聖撰





序

刺史顧公之蒞我鄜也簡賦均役  
平刑申教葺敝興廢久之荒者闢  
焉流者聚焉獄訟息焉墉峻隍濬  
社脩祠舉樓觀翳如缺者完焉又

序

久之士禮民厚工賈坐肆盜背其  
境教化行焉迺散同人作州志溯  
沿革以記興亡列山川以標形勝  
稽土田戶口以正稅闡幽顯徵旌  
善揚德以勵風化次之城郭橋梁

百度脩也終之文藝徵考備也君

子謂顧公善爲政夫志類乎史載  
乎風而通於政分例屬事躋邇信  
遠非史之流乎貞淫形諸詩奢儉  
視其俗可以觀風焉一於信斷於

序

義率於禮治成制定衆志大同然  
後法立而可久蓋治莫大於同民  
同民莫急於厚生生不植則教不  
著教不著則民離離則乖離且乖  
焉訓弗行也是故有政斯有民有

民斯有志且志之作以善政遺之  
後人者也曹叅守蕭何之法畫一  
而治夫前者後之師也法者治之  
則也無前何法無法何因此志之  
所以不可少也鄜故有志燼於兵

序

與

三

火將百年耆舊凋殘文無徵焉守  
是邦者履境考俗罔據也公爲是  
書條利弊陳得失他日欲較賦役  
則問田土戶口欲興禮讓則問風  
俗議舉廢則先其大者則是書也

固簡賦均役平刑申教葺敝興廢  
之懿則也謂非通於政邪夫不自  
政而謀人政者昧也有政而秘不  
以公諸人者私也二蔽去而六懿  
彰故君子謂顧公善爲政志八卷

序

與

四

數閱月而成是年也會公晉戶部  
員外卽將行則謂楊子曰史之義  
示鑒垂戒予豈敢哉亦將於此觀  
風焉爾楊子則曰此所謂以善政  
遺之後人者也